



Izolatorij za 30 oboljelih u Općoj

Nakon dugo vremena izolatorij Podhrastovi više nije jedino mjesto za zaražene koronavirusom

Piše: **ADEM DŽAFEROVIĆ**

Opća bolnica "Prim. dr. Abdulah Nakaš" jučer je na svom Infektivnom odjeljenju osigurala 30 kreveta za prijem lakih i srednje teških pacijenata zaraženih koronavirusom. Tako izolatorij Podhrastovi više nije jedino mjesto u Kantonu Sarajevo za hospitalizaciju pacijenata zaraženih koronavirusom. Podsjetimo, posljednjih dana, nakon što su dnevni izvještaji o oboljelima prelazili četverocifrenu brojku, popunjenost Podhrastova se približila krajnjem kapacitetu. Vlada KS-a je u subotu naredila Općoj

bolnici da obezbijedi 30 mjesta za prijem Covid pacijenata, što je menadžment ove bolnice odmah i učinio.

No, zaključak Skupštine KS-a od 25. augusta ove godine, kojim se Klinički centar Univerziteta u Sarajevu obavezuje da, za potrebe izolatorija, stavi na raspolaganje Infektivnu kliniku KCUS-a, još nije ispoštovan. Zbog čega to nije urađeno, htjeli smo jučer pitati šefa Infektivne klinike KCUS-a Rasmira Baljića, no on nas je uputio ne pres-sluzbu KCUS-a, od koje nismo dobili odgovor.

Govoreći o namjeri Vlade da formira privremeni izolatorij u Željezničkom školskom centru (ŽiŠ) u Sarajevu, ministar obrazovanja Anis Krivić kazao je da će svi bolnički kapaciteti morati biti popunjeni prije nego što se pacijenti budu smještali u neke privremene izolatorije.

"Epidemiolog koji je obišao tu zgradu jasno je naveo zbog čega u istoj zgradi ne mogu biti vrtić i izolatorij. Na koji način ćemo riješiti tu situaciju, ostaje da se vidi", rekao je. / STR. 2. i 3.

Megdan za Konakovića

Ko će biti Babo poslije Babe u Velikoj Kladaši ako ga poraze?

Piše: **FAHRUDIN BENDER**

Politički sukob Naroda i pravde sa SDA, DNZ-om, A SDA, NS-om, SDP-om, KASPP-om i DF-om, koalicijom za zajedničkog načelnik-kog kandidata u Velikoj Kladaši Jasmina Mušića, ne jenjava otkako je Elmedin Dino Konaković bio u Krajini, gdje je očitao lekciju tamošnjoj SDA. Međutim, razjedinjavanje

opozicije jedino može ići u korist moguće pobjede laburista BiH, koji se trenutno samo interesuju kada će njihov načelnik Fikret Abdić Babo izaći iz pritvora (uhapšen 18. 6. 2020), da kandidaturom idu na drugi mandat.

- Nedopustivo je uskratiti pravo jednom kandidatu da

učestvuje u izbornoj kampanji, ali Centralna izborna komisija BiH to čini, Kantonalni sud u Bihacu to čini, bh. javnost to podržavajući čini, ističu laburisti. Drugi politički akteri u međuvremenu se svađaju ko je bio u čijoj vojsci i ko pripada masonskim ložama. / STR. 6. i 7.

Na lokalitetu Kazana, na obroncima Trebevića, obilježena je 27. godišnjica stradanja civila, mahom Srba i Hrvata, ubijenih u ratnom Sarajevu. Zločine su počinili pripadnici Desete brdske brigade s komandantom Mušanom Topalovićem Cacom na čelu. / STR. 2.

biznis+

Moderno pakovanje za tradicionalno bh. voće

Voćar d. o. o. iz Brčkog godišnje proizvodi 615 tona različitih prehrambenih proizvoda. Do sada je kompanija uspjela izvesti svoje proizvode u Sloveniju, Austriju, Njemačku, Švedsku, na Bliski istok...

Svećeničarstvo i projekt kompanija iz Brčkog potpisuje granu inicijative za nabavku nove materije za pakovanje

biznis+

Jasmin Salkić: Od Nove godine jeftiniji gas za građane

STR. 16. i 17.

Suočimo se sa izazovima digitalne realnosti

STR. 17.

APEOR: Treba zaustaviti hajku protiv MHE u FBiH

STR. 19.

Kreativnost koja ne poznaje granice

STR. 20.

Burić piše historiju

Golman rukometaša BiH govori za Oslobođenje nakon 25 odbrana u njemačkoj Bundesligi

Piše: **EMIR KATANA**

Benjamin Burić, golman rukometne reprezentacije Bosne i Hercegovine, na голу Flensburga u nedjelju ostvario je sjajan učinak, jer je zabilježio 25 odbrana na meču protiv Coburga. To je za Benjamina jedan od najboljih učinaka u karijeri, a ovim je zacementirao mjesto jednog od najboljih golmana na svijetu. Skromni Burić kaže za Oslobođenje da nije najbolji, ali da ga rađuje ovakva forma pred okupljanje reprezentacije.

- Drago mi je da sam u ovakvoj formi za reprezentaciju jer nas uskoro očekuju prve utakmice u kvalifikacijama za Euro, priča nam Burić. Naša reprezentacija se okuplja naredne sedmice, a igrat će protiv Njemačke (5. novembar) i Austrije (8. novembar).

- Naša glavna utakmica je protiv Austrije i taj meč moramo dobiti, jer su nam Austrijanci konkurenti za to drugo mjesto, istakao je Burić. / STR. 47.